

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

史部
第一六〇冊

責任編輯：孫言誠 賀 偉

ISBN 7-5333-0535-3



9 787533 305352 >

EB96/11

四庫全書存目叢書·史部一六〇

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍印刷廠印製

787×1092 毫米 16 開本 46.625 印張

1996 年 8 月第 1 版 1996 年 8 月第 1 次印刷

印數 1—100

ISBN 7-5333-0535-3

Z·37 史部定價：87600 圓

史部第一六〇冊目次

史部・載記類

高麗史一百三十七卷目錄二卷(二)

〔朝鮮〕鄭麟趾撰
雲南大學圖書館藏明景泰二年朝鮮活字本

.....一

高麗史一百三十七卷目錄

二卷(二)

〔朝鮮〕鄭麟趾撰

雲南大學圖書館藏明景泰二年朝鮮

活字本

世家卷第三十八

高麗史三十八

教條

恭愍王一

恭愍仁文義武勇智明烈敬孝大王諱顯古諱祺蒙古諱伯顏帖木兒忠惠王母弟忠肅王十七年庚午五月生封江陵大君忠惠王後二年五月元順帝遣使召入朝宿衛時稱大元子忠穆王即位封爲江陵府院大君忠穆國人欲立王元以忠定襲位仍留王宿衛初忠肅以王托尹澤忠定元年澤與李承老獻書中書省請立王是歲王尚魯國公主三年十月元封爲國王遣完者不花收國置忠定遷于江華德興君塔思帖木兒奔于元王命前判三司事李齊賢攝政丞權斷征東省事齊賢修葺道殿神祠令法官考覈諸道存撫按廉功過達前密直洪元振及金鑄送完者不花還元招仍巡問平壤道鑄留備使

賊以通權門判官許猷為西北面察訪 十

一月壬子倭寇南海縣 乙亥贊成事趙目

新賈批目還自元以李齊賢為都食議政丞

李蒙哥判三司事曹益清全允臧為贊成事

趙月新趙瑜為參理康得龍崔天澤為三司

右左使李公遂為政堂文學韓可貴判開城

府事金逸逢判密直司事李衍宗為密直僕

兼監察大夫金普知密直司事洪由道鄭顯

同知密直司事金敬直李成瑞為密直副使

尹澤為密直提學崔德林李濟為右左代書

金得培柳淑為右左副代言孫琦為平海府

院君朴仁柱為咸陽君 李齊賢下理問裴

佺及朴守明子行省獄流直城君盧英瑞于

可德島贊成事尹時遇于角山敗贊成事鄭

天起為濟州牧使知都食議韓大淳為機張

監務 十二月辛卯兇永陵孽子釋置萬

德寺 庚子王及公主至自元帝遣失禿兒

太子及直省舍人牙忽護行 壬寅賜景靈

辰壬

殿即位于康安殿

元年春正月丙午朔王率百官賀正于行省

還宮設宴 庚戌監察司啓諸君閑居食祿

請停俸從之 庚申王欲親享太廟判書雲

觀事姜保言今年不可親祀食議府貴保曰

祀大事也汝何沮王又有奸臣告王大妃固

止之 二月乙亥朔罷政房 丙子宣甯境

內曰恭惟我太祖統一三韓列聖相承以小

事大迨我聖元龍興先天下而歸附我忠誠

王入觀世皇寵賚異常忠烈忠宣世館貳室

而我仁考忠肅王亦承釐降之榮嗣德臨邦

二十有五年厥後不弔再世不祿而耆艾之

臣以余為忠宣之孫忠肅之子以德以年合

主宗祧獻書天子願奉為君天子俯採其言

故有今日之錫命越至正十一年十二月庚

子與公主歸宗國謁慈闈蓋遺類者十一年

今得相見誠孝之至感動上下壬寅承事景

靈宮踐位康安殿衣冠禮樂猶有古國之風

顧以何德獲濟登茲然屬時世陵夷風俗頹靡廟多倖位倉無宿儲隣寇侵疆乾文告變若不克已勵精日慎一日革邪偽去儉壬用惻怛之誠行寬厚之政何以報天子之德保祖宗之業慰慈闈之心塞耆父之望凡百在位尚克匡其不逮圖惟厥終夫宗廟之重祭享之誠固所自盡嘗遣近臣齎銀物備宗器修祠宇其薦時食予將親蒞自太祖以至歷代先王宜上德號其守山陵人戶有逃者官

高唐文孝王十八

四

爲之推還復其徭役諸陵直謹守厥職禁樵牧樹松檟以明予奉先追遠之意杜稷諸祠凡奠物務盡蠲潔名山大川及神廟載祀典者亦加德號箕子受封於此教化禮樂遺澤至今宜令平壤府修祠奉祀其餘忠義之祀並如舊儀且近代近習墮蔽所以下情不得上通以致誤主如代言轉對所司申覆不可不親書筵之侍虎賁之衛不可不擇然則正人君子常宜在側官官拂士何有不通其設

施之規仰有司集議申聞祖王代創置禪教寺院所以裨補地德以利國家今多頽圯只遺基其有土田者收其租有臧獲者收其庸以備重修又遵太祖信書諸人毋得擅起寺舍爲僧者必須度牒不許居家貧民鬻子女如過三年不放者監察司按廉使痛加理罪田民詞訟日繁仰監察典法都官先舉仍執據執田民於元告人取甘結限日平決誣告者反坐其罪其權豪仍據執者亦當知過

高唐文孝王十八

五

歸還本主否者理罪又母焚山林母殺孩虫母辱母姊載諸月今今後春夏三四月內諸人毋得放火田獵違者痛理絲花紅大燭無益之費莫此爲甚忠宣王嘗有禁令此後宜令禁斷有敢違者監察司舉劾其罪倖賊寇邊屠燒室屋搶奪漕船皆由防守失律儲備無素其有能爲策者許今條奏擇善從之優加賞賚爾後征戰有功者與理軍簿並加官爵自募追捕者兩班超三等官之賤者賜錢

州郡被擄掠者官爲檢其虛實輕重與賊賦稅其軍人逃役者隨所犯杖之吏民有罪者亦加苦杖並勿劓布貪汚犯賊者不在此限經案孤獨篤疾癰疾官爲賑恤毋令失所孝子順孫義夫節婦依例旌表以美風化太祖開國功臣歷代功臣忠宣忠肅兩代功臣子孫並加甄錄其身見在者皆從優賞予十年于朝從臣終始一心功力尤著者頗已官而賞之有司依違舊典錄券施行光山君金仁

行寧直使朴仁幹及政丞王煦不辜先沒子甚悼之宜加贈諡錄其子孫自至正十二年二月初二日昧爽以前除不忠不孝謀故劫殺但犯上國罪條外境內罪囚咸宥除之庶幾與一國更始前代臣僚隨才敘用爾等亦宜盡心勿貳以稱予志於戲立綱陳紀定寧濟于斯民登賢使能尚有爲於今日 甲申改大妃德慶府曰文睿置公主府曰肅雍戊子燃燈王如奉恩寺 戊戌元以討捕河

南賊魁遣萬寧府提點七十來領赦王出迎于行省 三月辛亥前王過鵠鰲于江華王之遜江華也與校令申德隣典校丞安吉祥義盈庫使孫桂及辭朴成亮利思慎從行皆追禁巡軍止許思慎從之供膳不充往來又絕憂愁號泣及計至都人莫不流涕癸丑王停朝 捕倭使金暉南以戰艦二十五艘禦倭至楓島遇賊船二十艘不戰而逃至喬桐又望見賊船甚盛還西紅嶺濟師 乙卯金

暉南及副使張成一與賊戰于窄梁安與長巖獲賊船一艘王除暉南左常侍成一中郎將 倭屠巴音傷 丙辰瑞州防護所獲倭船一艘職之數俘二人 丁巳王如奉恩寺加上太祖尊號 己未倭船大至金暉南兵少不能敵退次西江告急調發諸領兵及忽赤分遣西江甲山喬桐以備之婦女闌街痛哭都城大駭又歛百官民戶軍餉及夫有差庚申倭焚喬桐甲山倉前代言崔源與戰

獲賊船二艘 戊辰王以忠肅王忌日如吳
天寺行香 己巳幸賢聖寺 閏月甲戌朔
令宰樞至吏胥人備弓一矢五十劍 戈一
闕于崇文館 辛巳幸福靈寺 辛卯遣三
司使洪彥博密直副使李成瑞如元賀聖
節 夏四月癸卯朔元告日食不果食 丁
未元賜王弓三百矢三萬劍三百 戊申公
主幸玉輪寺 庚戌王以佛生日燃燈禁中
飯僧一百設火山雜戲奏妓樂以觀 丁巳
密直提學尹澤上疏言時事不允遂辭以開
城尹致仕 辛酉榮安王大夫人李氏宴王
及公主于其第 五月癸酉朔命放生于西
江 戊寅以誕日設道場于內殿三日宰相
欲上壽王曰宴必殺生其以宴錢飯僧一千
于地藏寺王方信佛百官皆為王設祝壽齋
已丑地大震 王遣使召僧普虛于益和
縣普虛號太古歷諸方入江南自言傳衣鉢
于石屋和尚寓廣州遂元莊聚觀咸遂家焉

虛白王陞迷元為縣置監務虛主號今監務
但進退而已廣占田園牧馬滿野皆以內乘
稱雖害禾穀人不敢逐虛既至王引入內問
法虛曰為君之道在修明教化不必信佛若
不能理國家雖致勤於佛有何功德無已則
但修太祖所置寺杜慎勿新創又曰君王去
邪用正則為國不難矣王曰予非不知邪正
但念其從我于元皆效勤勞故不能輕去耳
六月壬寅朔錄燕邸隨從功臣以贊成事
趙日新僉議評理金曹判密直司事金逸達
前代言柳淑上護軍鄭桓宦者大護軍申小
鳳等為一等上平海府院君孫琦判三司事
李蒙哥前贊成事曹益清知密直司事鄭顯
前同知密直司事洪由道判開城府事韓可
貴前平壤尹洪元括密直副使姜千裕密直
提學李濟版圖判書李宗全曹門知中事崔
德林鷹揚軍上護軍金輔判司僕寺事車漬
溫大護軍鄭世襄中郎將睦仁官郎將金福

全以道等爲一等上護軍卒也先帖木兒妻仲卿大護軍孫襲親從李陽中郎將鄭鎮守承王碩別將任碩任用等爲二等判事金元護軍玄瑾監察掌令許猷中郎將鄭璣小府注簿辛康等爲三等並賜田民 丁未監察司勅錄事崔宗玄思德犯禁飲酒請罪之王謂宗曰試爾長技若能則宥之宗即擊毬於前三善免其罪 已酉元賜本國所請戎器丙辰王受菩薩戒于康安殿 設金剛道

場于內殿以禳星變 丁巳諫官上疏關人授檢校官食祿者太多請加汰減 庚申禁土木之役限二年 丙寅倭寇全羅道茅頭梁和益州事金輝領舟師擊之不克沃溝監務鄭子龍坐逗遛不進杖配突山烽火 倭寇江陵道 丁卯元遣大監孫完澤帖木兒來賜王衣酒 秋七月壬申全羅道都巡問使獲倭船二艘 癸酉葬前王于聰陵葬具多闕諸司各一負服斬衰奉安神御于普濟

寺殿曰宣明 丁丑萬戶印璫獲倭船命泛東池觀之 乙酉吉昌府院君權準卒 丁亥合浦萬戶獻倭俘 乙未以太妃疾宥二罪以下 八月乙巳判開城府事郭廷俊卒 戊申王與公主幸福靈寺王遂如奉恩寺謁太祖真殿是日移御陽川君許伯第 庚戌教曰古昔君王勵精圖治欲保邦家須躬親機務以廣聰明以達下情今寡人亦欲如是會議監察典法司開城府選軍都官凡所

決訟五日一啓 壬子率樞享王于時御宮 戊午元遣直省舍人普恩泥賜王金帶及鈔二千錠 已未開書筵以寧川府院君李凌幹金海府院君李齊賢福昌府院君金永煦漢陽府院君韓宗愈延安府院君印承旦前僉議政丞李君佺政丞致仕孫琦前贊成事許伯金資安山君安震普川君鄭乙輔永昌君金承澤永山君張沅樂浪君李遷善密直副使安牧典理判書白文寶更日侍讀教

曰元老大臣大夫士輪次入侍進講經史法
言凡權勢所奪田宅奴婢積年之訟與夫冤
滯之獄其審治之僉議監案是予耳目時政
得失民間利害直言勿諱 福安府院君權
謙如元納女子皇太子元拜大府監大監
丁卯捕倭使印璫帥禁軍及東西江喬桐水
手一千人禦倭以逗遛不進下璫獄 九月
壬申以宋瑞為都僉議政丞判典理事趙日
新判三司事 倭船五十餘艘寇合浦 戊

子以大護軍成士達在政房私授人職四十
餘下獄 上將軍全普門妻宋氏私普門族
姪曹復生繫獄按治俱坐罪 己亥趙日新
聚其黨鄭天起崔和尚張升亮殺奇韓圓時
御宮殺宿衛判密直司事崔德林等數人庚
子日新劫王開印自除為右政丞官其黨鄭
天起等有差又封義成德泉倉王與公主移
御別宮衛士稀少導從皆賊黨國人為正危
之是夜公主潛移御太妃時御宮 冬十月

辛丑朔趙日新殺崔和尚勸王斬張升亮等
八九人梟首于市 壬寅以宋瑞為右政丞
趙日新為左政丞判軍簿監案事加賜贊化
安社功臣之號洪彦博判三司事柳濯鄭乙
輔趙瑜為贊成事金普金逸達崔天澤為評
理姜得龍洪元祐為三司右左使安震為政
堂文學金信知都僉議司事姜之行僉議評
理商議韓可貴判開城府事俞辰為密直使
姜千裕知密直司事高忠節李成瑞貴順同

知密直司事金龜年為密直副使商議李宗
洪開道孫佛求為密直副使李濟為密直提
學金玗申輯為開城尹任君輔為密直司知
申事田大有元松壽為右左代言李君常朴
職為右左副代言 癸卯移御丹陽大君瑠
第 乙巳幸行省誅趙日新囚其黨鄭乙輔
李權羅英傑高忠節李君常等二十八人
時連日陰靈及新日新天日開霽 丙午以
李齊賢為右政丞曹益清為左政丞賜純誠

直節同德贊化功臣之號柳濬判三司事洪
彦博金承澤為贊成事趙瑜為都食議評理
李公遂為三司右使文伯金光鉉同知密直
司事金鏞崔源朴壽年為密直副使安輔為
密直提學金玗田大有為右左代言元祐壽
金光利為右左副代言貶洪鐸為會原縣令
鄭乙輔為光陽監務李權為濟州牧使壬
子以高仲瑞為開城尹李達哀全晉門為典
理判書車蒲溫安祐為軍簿判書李也先帖
木兒許禧為版圖判書 戊午遣上將軍姜
碩如元賀千秋節 辛酉下旨曰寡人承
天子之命守祖宗之業夙夜憂勤庶幾致理
知有所不逮誠有所未孚皇天不弔災變屢
興賊臣趙月新鄭天起等集眾兇徒謀為不
軌賴祖宗之靈大慙伏辜凡爾內外百執事
安心作業勿復驚動若其他罪囚除不忠不
孝謀故劫殺外咸宥之 十一月壬申攝御
韓仲禮家 丙子親設仁王道場于內殿

已亥

乙酉遣密直副使朴壽年如元謝賜成器兼
實百官論趙日新書以去 己亥遣都食議
司使韓可貴如元賀正 十二月庚子遣密
直副使李成瑞如元獻方物 癸卯元遣宗
正府常判梁烈帖木兒吏部尚書不花帖木
兒來朝趙日新之使
二年春正月丙子幸榮安王大夫人李氏第
乙酉親禱太廟 戊子以洪彬為右政丞
曹益清為左政丞洪彦博柳濯李公遂為贊
成事李達哀為監察大夫元頴為典理判書
宋天逢為監察執義金承矩為監察掌令鄭
國卿為起居郎朴絢為左獻納呂渭金成甲
為監察持平 遣上護軍姜仲卿金成實如
元獻熊羔皮 己丑永山君張沆卒 二月
丙午平陽君金永純卒 乙卯元遣前征東
省照磨石抹時用賜王衣酒 丁卯雲南王
甫刺太子遣使來宴王及公主 礪良府院
君宋瑞卒 三月甲戌元遣宗正府斷事官

哈兒章兵部郎中剛升等誅趙日新黨鄭天
起高忠節廉伯顏帖木兒郭允正李君常李
龜龍籍其家 乙酉遣會議贊成事柳澤三
司右使崔天澤如元賀聖節 壬辰以忌肅
王忌辰如廣明寺 癸巳遣左藏庫提點金
光鈞如元獻苧布 甲午幸受天寺設仁王
道場元賜寶鈔一百錠設道場以鎮兵 夏
四月戊戌朔公主幸受天寺 庚子兩雹
甲辰地震 乙卯王與公主幸福靈寺禱雨

五月己巳賜李穡等及第 壬午王與公
主宴榮安王太夫人李氏于其第 乙酉遣
密直使李也先帖木兒鷹揚軍上護軍安祐
如元貢方物仍獻皇后誕日禮物皇后誕日
之賀始此 秋七月辛未太向晝見 壬申
七夕王與公主祭牽牛織女于內庭 乙亥
先以冊皇太子赦天下遣太府監太監山童
直省舍人金波豆等來領詔太子即奇皇后
所出也王出迎于迎賓館詔曰朕荷天地之

洪禧續祖宗之正統若稽古訓惟懷永膺皇
子愛猷識理達臘溫文日棼仁孝夙成朕爲
之開端本堂以親學立宮傳府以觀政選任
老成以躬輔導使之寅贊時雍在朕左右十
五年矣講藝迪德善譽益聞邇者宗王大臣
合辭懇請至于再三元良之位固本所崇以
長以廣中外屬望宜遵世皇之盛典以爲億
載之貽謀是用俯徇輿情肆隆丕祚已於今
年六月初二日授以金寶立爲皇太子中書

今樞密院使悉如舊制其諸冊禮具儀舉行
屬慶典之肆成宜普天之均惠可大赦天下
王頒宥境內仍宴使臣 丁丑元御香使宦
者崔伯帖木兒以處女六人及琴瑟等鄉樂
進 辛巳王與公主如延慶宮宴元使遣衛
尉汪簿韓元發于江陵交州道索孛兒扎宴
及供使臣所需 乙酉金寧君金普上護軍
安祐奉賜王衣酒還自元 丙戌山童等還
王餞于迎賓館宰樞贈白銀二錠苧麻布各

九匹綾三匹舊例也皆不受而去 八月庚子元遣驛齎太子定安平章來錫字兒扎宴于榮安主大夫人 乙巳設字兒扎宴于延慶宮王及公主與焉是宴用布爲花凡五千一百四十餘匹他物稱是窮極奢侈由是物價騰湧禁公私用油蜜果時國用罄竭值未福都監布二千六百匹又償於富民 丙午幸太子館設防沒宴元法留宴日大肉馬頭翌日復宴謂之防沒 甲寅幸太子及平章

卷一百一十八

館贈禮幣丁巳太子平章遣王饒于郊太子約娶金允臧女以其女歸先是實運太子之來也亦娶萬戶林淑之女而還 謁德陵九月乙丑朔元告日食不果食 丁卯幸王輪乾聖寺 壬申遣密直副使李也先帖木兒如元謝賜字兒扎宴表曰乾坤邇矣敢期呼籲之聞草木微誠懇致恩榮之沐感懼交至臨舞不知皇帝陛下體萬動儀湯聖敬運祖宗之典禮雖舊惟新福廟杜之休祥於

斯爲盛兼屬驕甲之鍾克敦字小之仁眷言出日之邦生我倪天之妹黃鍾坤順運母儀於六宮慶毓商明固邦本於萬歲於是降璫源之貴戚馳玉節之重臣陳飲食以賜歡賞金繒而將意既飽以德爲永好於舅甥不顯其光想歆觀於夷夏臣敢不念其叩翼報以粉塵等述職於其封每輸誠於華祝 癸酉慶尚道合浦萬戶獻倭俘八人 丙子王令資贍注簿咸柔鼓琴除郎將 己卯幸西郊

卷一百一十九

觀射 壬午以印承旦爲左政丞趙瑜判三司事 戊子公主幸福靈寺禱嗣 辛卯幸西郊觀射 冬十月甲辰贊成事柳濯奉賜王衣酒還自元 戊申下教慶尚道都巡問使曰海寇連年爲邊患每念何日報平今省卿申報擒倭至十餘級予甚嘉之賜卿酒名銀五十兩所管軍士有功者以名聞予將錄用 戊午遣蔡河中如元賀千秋節 辛酉遣軍簿判書金希祖如元賀冊太子 十一

月乙酉王如奉恩寺謁太祖真殿 設消災
 道場于唐安殿以禳星變 庚寅前政丞曹
 益清卒 壬辰遣南陽君洪彦博如元賀正
 三年春正月庚午以內府告罄除賜百官人
 勝 辛未幸榮安王太夫人第 乙亥正宴
 百官于延慶宮 長寧翁主女壻魯王遣使
 送宴錢楮幣一百五十錠 癸未以蔡河中
 為右政丞廉悌臣為左政丞姜千裕判三司
 事李仁復為政堂文學 乙酉元遣官者院

庚寅年三月十八日 二十

使金光秀僉院迦刺撥皮賜王楮幣萬錠黃
 金一錠白銀九錠王悉歸之公府光秀請王
 除官三百餘人 二月丙申王與公主宴元
 使于延慶宮 已酉以蔡河中領都僉議廉
 悌臣為右政丞柳濯為左政丞廉允忠元顯
 為贊成事崔天澤奇輪為三司右左使金信
 金敬知李珍為評理姜之行為評理商議朴
 壽年知都僉議奇完者不花判密直司事朴
 之椿為密直司使廉彝龍姜仲祥知密直司

耶婆碩金普門同知密直司事關平哥朴顯
 崔用滋朴君正池贊為密直副使安輔為密
 直提學 丁巳王與公主幸延慶宮與元使
 宴耆老及六品已上官帝賜楮幣所辦也
 三月癸亥朔日食 辛未元遣帖古思來求
 紋等布 癸酉王與公主幸福靈寺 甲申
 進金議評理金敬直如元賀聖節 丙戌幸
 如蓮寺 庚寅王觀擊毬于市街 夏四月
 甲午以奇輪為贊成事奇完者不花為三司

庚寅年三月十八日 二十一

左使鄭顙為僉議評理黃順知都僉議尹忱
 判密直司事姜碩知密直司事朴頴朴君正
 同知密直司事孫就徐臣桂為密直副使
 已酉以石抹時用為典理判書李壽林為軍
 簿判書金元寶為版圖判書洪有龜為左代
 言鄭之產為右副代言洪師範為左副代言
 金英利為左司議大夫 倭掠金羅道漕船
 四十餘艘 五月辛未以旱禁酒減膳 壬
 申王召監察大夫金玘典法判書洪仲元問

民冤枉 丁丑設雲雨道場于康安殿又禱
于群望佛宇 元遣大府少監宦者安童求
求紋布 庚辰零 辛巳卷市 元遣使
來求毛皮 遣密直使李也先帖木兒如元
賀皇后誕日 丁亥再零 戊子大雨 慶
陽大君盧頤納女子元帝拜集賢殿學士
六月辛卯朔平康府院君蔡河中還自元傳
丞相脫脫言曰吾受命南征王宜遣勇銳以
助之時元政陵夷河南妖寇韓山童韓咬兒
等始鼓亂潁川妖人劉復通又起兵以紅巾
為號與其黨關先生沙劉二王士誠等寇掠
中原分據山東其勢大振盜賊群起天下大
亂 壬辰如奉恩寺 甲午以年饑發有備
倉粟減價市民時米貴二斗直者錢 丁酉
以蔡河中為食議政丞等壽山廣仲祥為食
議評理廉悌臣為曲城府院君柳澤為高興
府院君鄭顯為西原君宋帖木兒為仁城君
妻之行為信山君崔用嶽為義興君帖古思

為達城君朴壽年為食議評理朴頤知密直
司事朴蒙古不花同知密直司事姜仲卿為
密直副使石抹時用為開城尹安祐為典理
判書慶千與為軍簿判書 戊戌漢陽府院
君韓宗愈卒 庚子元告以定住為右丞相
哈麻為左丞相 癸卯元遣吏部郎中哈刺
那海崇文監少監伯顏帖木兒利用監丞林
蒙古不花召柳澤廉悌臣權謙元淵羅英傑
印瑞金鏞李權康允忠鄭世雲黃裳崔鑒崔
雲起李芳實安祐等及西京水軍三百且
號勇期以八月十日集燕京討張士誠伯顏
帖木兒本國人康舜龍 丙午元遣工部寺
丞朴賽顏不花費寶鈔六萬錠賜赴征將軍
已酉移御延慶宮 辛亥以印瑞為碩城
府院君李權為五原府院君羅英傑為錦城
君孫佛求為敦城君金鏞為義城君金鏞為
安城君安祐為龍城君崔源為龍城君印安
為延城君崔安守為威城君具員為門城君

趙忠信爲祥原君其餘將卒並加勳秩自募
軍皆超三級今百官及各宗僧徒出馬有差
使軍士平價以市時赴征軍官奪民馬或多
抑買行省禁之不止 全羅道萬戶印璫獻
倭俘 秋七月癸亥柳濯廉悌臣等四十餘
人率軍士二千如元王幸迎賓館親閱送之
帝所召皆將相之有名望者且精兵銳卒皆
從征宿衛虛弱王疑懼募弓手于西海道以
備不虞 乙丑元遣中尚監丞崔滌來督赴

征軍士兼求稍乘 丙寅以倭俘分屬諸司
癸酉以蔡河中爲侍中康舜龍朴賽類不
花爲贊成事崔滌爲三司右使姜千裕爲河
城府院君奇輪爲德山府院君奇完者不花
爲德陽府院君 庚辰設消災道場于內殿
辛巳以康允忠判三司事洪彥博尹桓金
敬直爲贊成事姜得龍李壽山朴壽年爲評
理柳之浹爲三司左使李仁復兼監察大夫
李承老知密直司事申仲倫同知密直司事

孫就徐臣桂姜仲卿權恒爲密直副使康
龍爲銀城府院君朴賽類不花爲延安府院
君元顯爲成安府院君崔滌爲龍成府院君
李凌爲寧川府院君裴天慶爲達成君宰
孟爲寧城君姜碩爲永昌君車蒲溫爲龍山
君李明安帖木兒爲豐山君任君輔爲知中
事柳淑洪有龜爲右左代言鄭之產權益爲
右左副代言 丙戌以朴德龍爲監察大夫
密類不花之兄也 戊子以三司右使柳之

浹爲揚廣道都巡問使 八月己酉王與公
主幸王輪寺祈禱放輕囚 癸丑諸道按廉
陛辭王問宣化之方乃教母用贖罰 九月
丁丑親設仁王道場于康安殿 冬十月乙
未元遣宦者院使賽罕來宴樂安王太夫人
王與公主幸其第 己酉親設靈寶道場于
康安殿 庚戌前右政丞廉悌臣還自元
十一月辛酉遣處仁君李珍如元賀千秋節
乙亥全羅道都巡問使申仲倫獻倭獻